



საქართველო  
GEORGIA

სსიპ - აკაკი წერეთლის სახელმწიფო უნივერსიტეტი  
LEPL - AKAKI TSERETELI STATE UNIVERSITY



59 თამარ მეფის ქ., ქუთაისი, 4600, საქართველო  
ტელ: (+995 431) 245 784; (+995 431) 243 833  
ელ. ფოსტა: atsu@atsu.edu.ge

59, Tamar Mefe st., Kutaisi, 4600, Georgia  
Tel.: (+995 431) 245 784; (+995 431) 243 833  
E-mail: atsu@atsu.edu.ge

ბ რ ძ ა ნ ე ბ ა

N 01-04/18 24-04-2017 წ.

2016-2017 სასწავლო წელს უნივერსიტეტში ჩარიცხულ სტუდენტთათვის დამატებითი (minor) პროგრამებზე სტუდენტთა განაწილების, მოდულის და არჩევითი საგნის არჩევის წესის შესახებ

დამტკიცდეს 2016-2017 სასწავლო წელს უნივერსიტეტში ჩარიცხულ სტუდენტთათვის დამატებითი (minor) პროგრამებზე სტუდენტთა განაწილების, მოდულის და არჩევითი საგნის არჩევის წესი და ჩამოყალიბდეს შემდეგი რედაქციით:

1. 2016-2017 სასწავლო წელს უნივერსიტეტში ჩარიცხული სტუდენტის მიერ დამატებითი (minor) პროგრამის, მოდულის და არჩევითი საგნის არჩევა ხდება საკუთარი სურვილის გამოხატვის თავისუფლების, გამჭვირვალობისა და კონკურენციის პრინციპების დაცვით უნივერსიტეტის ელექტრონული დეკანატის საიტზე.
2. შესაბამისი ფაკულტეტის ადმინისტრაციასთან წინასწარი შეთანხმებით, პროგრამის აკადემიურმა პერსონალმა დაინტერესებულ სტუდენტებს მიაწოდოს ინფორმაცია დამატებითი (minor) პროგრამის, მოდულის და არჩევითი საგნის შესახებ.
3. 2016-2017 სასწავლო წელს უნივერსიტეტში ჩარიცხული სტუდენტების განაწილება დამატებით (minor) პროგრამებზე, მოდულებზე და არჩევით საგნებზე განხორციელდეს:
  - ა) ყოველი მომდევნო სასწავლო წლისათვის - მიმდინარე სასწავლო წლის 25 აპრილიდან 15 მაისის ჩათვლით;
  - ბ) ზამთრისა და ზაფხულის მობილობით გადმოსული სტუდენტებისთვის - უნივერსიტეტში ჩარიცხვის ბრძანების გამოქვეყნებიდან არაუგვიანეს 10 დღის განმავლობაში;
  - გ) დამატებითი (minor) პროგრამის შეცვლა განხორციელდეს სტუდენტთა მობილობის პერიოდში.
  - დ) განსაკუთრებულ შემთხვევაში სტუდენტის რეგისტრაციის საკითხი ფაკულტეტის დეკანის წარდგინებით განხილული იქნას უნივერსიტეტის რექტორთან.
4. 2016 - 2017 სასწავლო წელს ჩარიცხულ სტუდენტთათვის დამატებით (minor) პროგრამებზე სტუდენტთა მისაღებ კონტინგენტს (ფაკულტეტის საბჭოსთან შეთანხმებით) 2017 წლის 20 აპრილის ჩათვლით წარმოადგენს ფაკულტეტის დეკანი, ბრძანებით ამტკიცებს უნივერსიტეტის რექტორი. ინფორმაცია მიეწოდება აწეს სასწავლო პროცესის მართვის სამსახურს, რომელიც რექტორის მიერ ბრძანებით დამტკიცებულ სტუდენტთა



მისაღებ კონტინგენტს დასარეგისტრირებლად გადასცემს ელექტრონული დეკანატის ადმინისტრატორს.

5. დაევალოს ძირითადი საგანმანათლებლო პროგრამის ხელმძღვანელებს, დეპარტამენტის ხელმძღვანელებს, ფაკულტეტის დეკანებს, კონკურსის ჩატარებამდე ორი კვირით ადრე უნივერსიტეტის რექტორატში წარმოადგინონ იმ დამატებითი (minor) პროგრამის სასწავლო კურსების ნუსხა, რომლის არჩევის უფლება აქვთ შესაბამისი სპეციალობის სტუდენტებს.

6. დამატებითი (minor) პროგრამებზე, მოდულებზე და არჩევით საგნებზე სტუდენტთა რეგისტრაცია მიმდინარეობს ელექტრონულ (on-line) რეჟიმში, ამ ბრძანების მე-3 მუხლით დადგენილ ვადებში.

ა) რეგისტრაციის გავლის უფლება მიეცეს აქტიური სტატუსის მქონე სტუდენტს, რომელიც დამატებით (minor) პროგრამასთან დაკავშირებულ არჩევას აკეთებს პირველად;

ბ) რეგისტრაციის დროს, სტუდენტის რამოდენიმეჯერ დარეგისტრირების შემთხვევაში, დარეგისტრირებულად ჩაითვალოს მის მიერ გაკეთებული ბოლო განაცხადი;

გ) სტუდენტებს დამატებით (minor) პროგრამის არჩევის დროს მიეცეს უფლება შეცვალონ განაცხადი რეგისტრაციის ვადის დასრულებამდე.

დ) სტუდენტს დამატებითი (minor) პროგრამის შეცვლის უფლება მიენიჭოს ამ ბრძანების 3.

გ. პუნქტით განსაზღვრულ პერიოდში. სტუდენტი ვალდებულია საკუთარი სურვილი დააფიქსიროს განცხადებით. ამ შემთხვევაში, საფაკულტეტო ადმინისტრაცია სტუდენტთა განაწილებას დამატებით (minor) პროგრამებზე ახდენს შიდა მობილობის დროს, ძირითად პროგრამებზე სტუდენტთა განაწილებისათვის დადგენილი წესების მიხედვით.

7. სტუდენტს აქვს უფლება გააკეთოს განაცხადი 5 დამატებით (minor) პროგრამაზე (მ.შ. სამი პროგრამის არჩევანის გაკეთება სავალდებულოა) და დაალოგოს ისინი საკუთარ განაცხადში პრიორიტეტულობის გათვალისწინებით.

8. სტუდენტის ჩარიცხვა დამატებით (minor) პროგრამაზე ხდება მისი სურვილისა და მიმდინარე აკადემიური მოსწრების საფუძველზე რექტორის ბრძანებით დამტკიცებული მისაღები კონტინგენტის გათვალისწინებით, რანჟირებული სიის შესაბამისად, რომელშიც ჩარიცხვის მსურველი სტუდენტები დალაგებული იქნება საგანმანათლებლო პროგრამის პირველ სასწავლო სემესტრში სტუდენტის მიერ ათვისებული კრედიტების შესაბამის შეფასებებზე ნამრავლთა ჯამით. განაცხადის პრიორიტეტულობის მიუხედავად, რამდენიმე დამატებით (minor) პროგრამაზე ჩარიცხვის შემთხვევაში გათვალისწინებული იქნეს სტუდენტის მიერ არჩეული პრიორიტეტები. საჭიროების შემთხვევაში გათვალისწინებულ იქნას ეროვნული გამოცდებზე მიღებული ქულები.

9. სტუდენტთა ელექტრონული რეგისტრაციის შედეგების შესახებ ინფორმაციის საფუძველზე, აწესი სასწავლო პროცესის მართვის სამსახური და ელექტრონული დეკანატის ადმინისტრატორი უზრუნველყოფს კონკურსის ჩატარებას ამ ბრძანების მე-6 და მე-7 მუხლის მოთხოვნებისა და ცალკეულ პროგრამაზე არსებული ვაკანტური ადგილების გათვალისწინებით. სასწავლო პროცესის მართვის სამსახურის უფროსი და ელექტრონული დეკანატის ადმინისტრატორი კონკურსის დასრულებისთანავე შემოდის რექტორატში შესაბამისი ბრძანების პროექტით.

10. დამატებით (minor) პროგრამებზე, მოდულებზე, თავისუფალ კრედიტებსა და/ან არჩევით საგნებზე სტუდენტთა განაწილების დროს გათვალისწინებულ იქნეს



აკადემიური საბჭოს მიერ დადგენილი აკადემიური ჯგუფის ფორმირების ნორმები და ნორმატივები.

11. სტუდენტთა საგანმანათლებლო პროგრამებზე ჩარიცხვის ბრძანების გამოსვლიდან არაუგვიანეს ერთი კვირისა, დასაშვებია ამ ბრძანებაში ცვლილებების შეტანა სტუდენტის მხრიდან თავისი განაცხადის გადაფასების შემთხვევაში, თუკი ეს არ გამოიწვევს წინამდებარე ბრძანების მე-9 მუხლით გათვალისწინებული ნორმების უხეშ დარღვევას.

12. ამ ბრძანების მე-10 მუხლით განსაზღვრული ვადის გასვლის შემდეგ სტუდენტის მიერ გაკეთებული არჩევანი შეცვლას აღარ ექვემდებარება, გარდა საქართველოს შესაბამისი კანონმდებლობით გათვალისწინებული შემთხვევებისა.

13. ფაკულტეტის დეკანებმა დამატებითი (minor) პროგრამის, მოდულის და არჩევითი საგნების (შესაბამისი კრედიტების) განაწილება სემესტრების მიხედვით მოახდინონ მხოლოდ აკადემიური საბჭოს მიერ დამტკიცებული აკადემიური პროგრამების სასწავლო გეგმების მიხედვით.

14. კანცელარიის უფროსმა(ე.ცირეკიძემ) ბრძანება ვებ-გვერდზე განსათავსებლად გადასცეს საერთაშორისო ურთიერთობებისა და განვითარების სამსახურს (უფროსი პროფ. დ. გეგეჭკორი).

15. კონტროლი ბრძანების შესრულებაზე დაევალოს რექტორის მოადგილეს ასოც. პროფ. შალვა კირთაძეს.



საფუძველი: უმაღლესი განათლების შესახებ საქართველოს კანონის 43-ე მუხლის 1-ლი პუნქტის „კ“ ქვეპუნქტი და აკაკი წერეთლის უნივერსიტეტის წესდების 53 მუხლის მე-2 პუნქტის „კ“ ქვეპუნქტი დამატებითი (minor) პროგრამის, მოდულის და არჩევითი საგნის არჩევის უფლების შესახებ.

რექტორი:



გიორგი ლავთაძე

სასწავლო პროცესის მართვის  
სამსახურის უფროსი:



იმერი ბასილაძე